

GARBERAREN ZABALKUNDEA ETA KLIMA ESTRATEGIA DSS2050 LERROKATZEA DELA ETA

Josu Mirena Ruiz Martinek, EH BILDU udal taldeko zinegotziak, Udalbatzaren Araudi Organikoaren 98. artikulua ematen dion aukera baliatuz, Garberaren zabalkundea eta klima Estrategia DSS50 lerrokatzea direla eta, KONTROL MOZIO hau aurkezten du, osoko bilkuran azter dadin. Mozio hau Pertsonen Batzordearen 2017ko martxoaren 10eko bilkuran egindako interpelazioaren ondorioa da.

JUSTIFIKAZIOA

Otsailaren 28an, Merkataritzako Aholku Batzordea egin zen. Alkateak sinatutako gai ordenan, zortzigarren puntuan, Klima 2050 estrategia landu zen. Ingurumeneko zuzendariak azaldu zuen bezala, udal aholku kontseilu guztietan txostenaren aurkezpena egin behar zuten, zehar lerro bat delako eta udal politikek honekin lerrokatuta egon behar dutelako. Txostenean azaldutako hainbat puntu honako hauek dira, besteak beste:

-Parisko Hitzarmena (2015). "2015eko abenduan, berotegi efektuko gasak murrizteko lehenengo hitzarmen globala sinatu zen Parisen; funtsezkoa urrats bat eman zen, beraz, munduko politika klimatikoari begira" (6. orrialdea)

-3.Erantzukizuna hiriena ere bada. " Hirien garrantzi hori joan den abenduan Parisen sinaturiko testuan onartu da lehenengo aldiz"... Alkateen itunaren bitartez, Europa osoko 6.000 tokiko erakunde bako gehiagok Europak energiari eta klima aldaketari dagokienez ezarritako helburuetatik harago joateko konpromisoa hartu dute". "Donostiak klimaren erronkaren aurrean erreakzionatzeko duen gaitasuna jasangarritasunaren eta kulturaren arloetan dituen lidergo ezagunetik planteatu da, baita erdigune deneko hiri ingurunea dinamizatzeko duen gaitasunetik ere" (9. orrialdea)

-7.Ildo estrategikoak. 2. Bizimodua. "Berotegi efektuko gasen isurketan eragina dute mugikortasunean ditugun jokabideek, elikadura ohiturek, aisialdi eta kontsumo ohiturek, hondakinak kudeatzeko moduak, eta azken batean, gure bizimoduaren eta kulturaren ezaugarri guztiek. Hori dela eta, eguneroko bizitzan egin ditzakegun aldaketak ulertzea eta zaintzea izan behar da klima estrategiaren funtsezko ardatzetako bat" (20. orrialdea)

-8. Klima aldaketaren kontrako borrokarako esparruak eta erronkak. "B) Jendearen mugikortasuna eta merkantzien fluxua: -gertutasuna, -Mugikortasun motorizatua murriztea, -Erregai fosiletan oinarrituriko mugikortasuna murriztea" (21-22. orrialdeak)

Txostena kontuan hartuta, ez dugu ulertzen hor jasotako ildo estrategikoak eta erronkak nola uztartzen diren Garberaren zabalkundearekin. Gogoratu behar dugu Garberako zabalkundea gauzatzeko, hirigintzako Plan Orokorra aldatu behar dela (tramitean dago) eta lehenengo onarpena Pariseko hitzarmena eta gero eman zela, zehazki zazpi hilabetetara. Eneko Goia alkatea Parisen izan zen, beste 1.000 hautetsiren artean, COP21 gailurrean. Compact of Mayors sarearen baitan elkartu ziren estatu eta erakunde publikoetako administrazioak klima aldaketarekiko helburuen betekizunekin lotuta geratu ziren. Aintzat hartu behar da, gainera, Garbera berrian kotxeen parkinga, gaur egungo parkingarekin alderatuta, hiru aldiz handiagoa izango dela: 80.000 metro karratu. Beraz, hiriko mugikortasunean eragin zuzena izango du.

Batzordean alkateak ez zuen erantzun. Beraz, ez dakigu zein konpromiso hartu zuen Parisen. Dirudienez, han egindako argazkia marketing hutsa izan zen, eta DSS2050 Klima Estrategiaren ibilbidearen hasiera bera zalantzan jarri du. DSS2050 Klima Estrategiak nolako sinesgarritasuna izan dezake, aldi berean, Garbera zabaltzeko urratsak ematen badira, hura eta han hartutako konpromisoak kontuan izan gabe? Compact of Mayors sareak, gailur hartatik harago, eginkizun garrantzitsuak dituen, honako KONTROL MOZIO hau aurkezten du behean sinatzen duen zinegotziak:

1- Donostiako Udalbatzak Alkateari eskatzen dio Garberako zabalkundearen proiektua eta berau gauzatzeko hirigintzako Plan Orokorren aldaketa eta Eusko Jaurlaritzak 2016ko uztailaren 27an onartutako Donostialdeko Lurralde Plan Partzialaren Dekretua (121/2016) Compact of Mayors sareari helaraz diezazkiola proiektua haren osotasunean ondo uler dezan.

Donostia, 2017ko apirilaren 12a

Josu Mirena Ruiz Martin
EH Bildu udal taldeko zinegotzia